



Synfocity = 488

mail us at : mzsynfo@gmail.com; mizoramsynod@gmail.com - Phone - 2314648

22nd May, 2014

□ **Missionary Retreat for Central Region, 2014 a tiak ta**

Synod Mission Board-in May 15 - 18, 2014 chhunga Central Region huam chhunga missionary-te puala Intuaitarna (Retreat) a buatsaih chu May 18 (Pathianni) zan khan a tiak ta. Tun tum retreat hi ITI Vengchhak Kohhran Biak Inah neih a ni a, thupuih 'Krista Thuhretu' (Tirkhohte 2:32) tih an hmang a, Speaker mal nei lovin Rev. Vanlalbela, BEC member; Rev. C. Lalsangliana, BEC member; Upa Denghmingthanga, BEC member; Rev. P.C. Pachhunga, Executive Secretary i/c Mission & Rev. C. Chawngliana, BEC Member ten Pathian thuchah an sawi.

May 15 (Ningani) zan khan Retreat hawna & reports inkhawm neih a ni a, Synod Moderator Rev. K. Lalhmuchhuakan Keynote Address a pe a ni. May 16 (Zirtawpni) chawhmaah Rev. Lalrintluanga, Lecturer, Missionary Training College buatsaih 'Krista Thuhretu - Missionary' tih thupui zirho a ni a, chawhnuah Rev. Lalrinthara, Lecturer, Missionary Training College buatsaih 'Krista Thuhretu - Tirkoh Paula hlawhtlinna thuruk' tih thupui zirho a ni a, sawihona hun hman a ni baw. Zan inkhawmah Rev. Vanlalbela, BEC Member-in Pathian thuchah a sawi. May 16 (Inrinni) chawhmaah Zawhna leh Chhanna hun hman a ni a, chawhnu lamah Variety Programme neih a ni. Zan inkhawmah Upa Denghmingthanga, BEC Member-in Pathian thuchah a sawi. May 18 (Pathianni) chawhma inkhawmah Rev. C. Lalsangliana, BEC Member-in Pathian thuchah a sawi a, chawhnu inkhawmah Rev. C. Chawngliana, BEC Member-in Pathian thuchah a sawi a, zan inkhawmah Rev. P.C. Pachhunga, Executive Secretary-in Pathian thuchah a sawi.

Retreat neih chung hian ITI Veng Bial Zaipawl, Tuikual Bial Zaipawl, Electric Veng Bial Zaipawl, Bethlehem Bial Zaipawl, Dawrpui Bial Zaipawl, Mizoram Synod Choir leh ITI Vengchhak Kohhran Zaipawlte an zai a, NI. Zoremawii Ralte, Dr. Shirley Lalbiakzuali Chhangte, Pi H. Lalmuankimi, Tv. Vanlalsailova, Tv. Lalrintluanga leh David Vanlalpeka te an zai baw. Zirtawp zan inkhawm ban atang hian zan inkhawm ban apiangin Zaikhawm neih thin a ni.

Missionary Retreat thlang tur hian ITI Vengchhak Kohhran nasa takin an inbuatsaih a. Sub-Committee hrang hrang 7 siamin, theihtawp chhuahin hman an la a, an fakawm hle. ITI Vengchhak Kohhran hian Zirtawpni leh Inrinni tlaiah Retreat-a tel zawng zawngte tan ruai an buatsaih baw a ni.

Central Region huam chhungah hian Mission Field 7 an awm a, thawktu nghet (Permanent) - 78, Contract - 143 leh Field Worker nen an vaiin mi 528 an awm a, Retreat-ah hian Missionary leh an kawppui in report zat hi 299 an ni.

□ **MSSU Triennial Secretarial Training Vawi 14-na**

May 20, 2014 (Thawhlehi) zan khan MSSU buatsaih 14th Triennial Secretarial Training, Aizawl Theological College Chapel-ah neih tan a ni a, he training hi May 22, 2014 (Ningani) zan dar 6:00-ah khar a ni ang.

Training hawna inkhawm hi Pi Lalrinkimi, Coordinator, MSSU-in a kaihruai a, T.Upa Lalthahluna Ralte, Assistant Coordinator-in trainee-te hriat tur pawimawh sawiin Pu John Lalhruiatluanga, Assistant Coordinator-in inhmelhiattirna hun a hmang. Rev. Lalramliana Pachuau, Executive Secretary-in training hawna thuchah a sawi a, Tv. Lalhruiatluanga leh NI. Laldusaki te an zai baw.

He Training, ni hnih awah hian Sunday School rawngbawlna lam thupui chi hrang hrang - Inpekna, Sunday School chanchin leh a pawimawhna, Christian Education and Child Evangelism, Secretary hna leh a mawhpurhna, Sunday School inrelbawl dan leh inkaihruaina tih te zirho a ni ang a, Rev. Zosangliana Colney, T.Upa Lalthahluna Ralte, Pu John Lalhruiatluanga, Upa B. Lalhmunliana leh Upa Hrilthansanga ten zirtirna an pe ang. Heng bakah hian General Discussion, Group discussion leh Reflection hun te hman a ni baw ang. Training hi zan riak luta neih a ni a, Zirtawpni (May 23) zing tukthuan ei khamah an chhuak ang.

Training hi Bial Sunday School Secretary ruat tharte tana kum thum dana buatsaih thin a ni a, MSSU hnuai Bial Sunday School Secretary zawng zawng tel tura sawm an ni a, mi 143 an tel thei a ni.

□ **Finance Committee Vawi 109-na a thu**

Nimin (May 21, 2014) atang khan Synod Finance Committee chu a vawi 109-na atan Synod Office-a Committee Room No. II-ah a thu. Committee hi Rev. K. Lalhmuchhuaka, Moderator-in a kaihruai a, Synod Finance Officer's Reports ngaihthlak a ni. Finance Committee hian vawin (May 22, 2014) thlang a awng.

Tun tum Finance Committee hian Synod Hospital Provident Fund khinna chungchang te, Committee pathum atanga Budget re-provision dilna chungchang te, hlawh pungin a nghawng ni lo Additional Budget chungchang te, kum 2013-2014 Audit report leh Statement of Account thlir ho bakah thu pawimawh hrang hrangte a ngaihtuah a ni.

Kum 2013 Synod Pay Commission-in hlawh bi a siam that chu January 2014 atanga hman a nih avangin 2013-2014 budget-a hlawh tur sum dahin a daih lo va. A daihlohna hi SEC-in a tul angin Finance Committee-in lo ching fel rawh se a tih angin Finance Committee hian Additional Budget anga kalpui turin a ti. Hlawh atana sen belh ngai zat hi Pastoral-ah Rs. 3,40,86,870/- (Nuai zathum sawmli singriat sangruk zariat leh sawmsarih) leh Mission lamah Rs. 2,30,96,000/- (Nuai zahnih sawmthun singkua leh sangruk), a vaiin Rs. 5,71,82,870/- (Nuai zanga sawmsarih pakhat singriat sanghniat zariat leh sawmsarih) zet a ni.

Sawmna a dawn angin Finance Committee hian Bial khat, Kohhran pahnih leh KTP Branch pahnihah Committee hmasa leh tun inkarah Finance Campaign neiin Account Training a pe.

April 2013 - March 2014 chhunga Synod sum dinhmun chu hetiang hi a ni - Pastoral budget Rs. 75,57,30,000/- (Nuai sangsarih zanga sawmnga pasarih leh singthum)-ah Rs.73,54,94,210/- (Nuai sangsarih zathum sawmnga pali singkua sangli zahnih leh sawm) hmuh a ni a, budget phak lohna chu 2.68% a ni. Mission lamah Budget Rs. 51,68,53,000/- (Nuai sangnga za sawmruk pariat singnga leh sangthum)-ah Rs.59,43,42,559/- (Nuai sangnga zakua sawmli pathum singli sanghniat zanga sawmnga leh pakua) hmuh a ni a, Budget khumna chu 14.99% a ni. A pum puiah Budget Rs.1,27,25,83,000/- (Nuai singkhat sanghniat zasarih sawmhniat panga singriat leh sangthum)-ah Rs.1,32,98,36,769/- (Nuai singkhat sangthum zahnih sawmkua pariat singthum sangruk zasarih sawmruk leh pakua) hmuh a ni a, budget khumna chu 4.50% a ni.

□ **NEICC hruaitu thar**

May 14 - 18, 2014 chhunga North East India Christian Council (NEICC) Annual Meeting, Sielmat, Churachandpur- a neih a ni a, kum 2014 - 2016 chhunga hruaitu thar tur hetiang a ni :

President - Rev. Zosangliana Colney, Mizoram Synod
Vice Presidents - Rev. W.C. Khongwir, KJP Synod Sepngi
Rev. Dr. S. Rongpi, CBCNEI

Secretary - Rev. Lalnunzira, BCM
Treasurer - Elder K. Lyngkhai, KJP Synod Sepngi

Rev. Lalramliana Pachuau, Executive Secretary chu Church Union Committee member atan ruat a ni baw. *Contd...*

- **Zin**
 May 27, 2014 (Thawhlejni) hian Senate of Serampore Executive Committee Meeting, Kolkata-ah Rev. Lalramliana Pachuau, Executive Secretary a tel ang. May 28, 2014 (Nilaini) hian Chennai-ah Church of South India (CSI) hotute nen Partnership chungchangah Rev. Lalramliana Pachuau, Executive Secretary leh Dr. Robert S. Halliday, Superintendent, Synod Office (Synod Partnership Committee Secretary ni bawk) te an inkawm ang a, May 29, 2014 (Ningani) hian United Theological College leh Bangalore Diocese CSI hotute nen Bangalore-ah an inkawm leh ang.
- **Campus Ministry rawngbawlina**
 Nimin (May 21, 2014) khan Synod rawngbawlina peng pawimawh tak Campus Ministry chuan Centenary School, Dawrpuih zirlaite hun an hmanpui a, zirlai sang chuang zetin an rawngbawlina hi an dawng a ni. Centenary School-ah hian tunlai thangtharte nuna thil pawimawh tak mai 'Pathian tihna leh hriatna tihpun' tih thu hmangin khawvel hun thar lo chhuak zela Pathian hmuh fiah pawimawhna zir ho a ni a, zirlaiten an hlawkpui hle. Campus Ministry hian tunlai huna zirlaite nun kawng him leh tha hawi zawnga kaihhruai hna a thawk ber a, May thla chung hian Kulikawna Health Worker Training School-ah te, Presbyterian English School, Republic Vengah te, Bungtlang Bial-ah te leh Apollo School of Nursing-ah te mi hrang hrang hnenah an mamawhna zawn a danglam ang zelin thu ken hrang hrang neiin rawngbawlina an nei a, Lengpui Bial KTP member-te tan Counselling Training an buatsaihsak bawk. Campus Ministry hi tunlai nuna harsatna neite tan pawh sawm theih reng an ni.
- **Synod Bookroom Conference 2014**
 Naktuk (May 23, 2014) hian Synod Bookroom chuan kum tina an lo tih thin angin Zosaphluia Building, Mission Vengah Synod Bookroom Conference 2014 an hmang dawn a, Mizoram puma Synod Bookroom zawng zawngte khar a ni ang.
 Conference hi zing dar 10:00-ah tan tur a ni a, T.Upa Lalzarmawia, Sales Promoter-in programme a kaihruai ang a, Pi Rosy Lalhmingmawii, Accountant-in Bookroom sum dinhmun report a pe ang a, Upa R. Lalmalsawma, General Manager, PRESCOM-in thusawina hun a hmang ang a, Pu Lalniliana, Synod Bookroom Manager in kum 2013 Bookroom Conference-a thurelte bawhzui a nih dan leh tihhlawhtlin a nih dan report a pe ang.
 Chawhnu lamah Upa R. Lalmalsawma, General Manager-in programme a kaihruai ang a, Mizoram puma Branch hrang hrangte atangin report leh rawnate ngaihthlak a ni ang a, kum kaltaa Bookroom rawngbawlina hrang hrang thlirletna leh sawizauna neih a ni bawk ang. Hemi zawh hian Yearly Operation Review & Lawmman semna neih a ni leh ang a, kum kaltaa Synod Bookroom Branch tha thlanna result puan a ni ang a, Rev. Lalzuthanga, Senior Executive Secretary-in lawmman a sem ang.
- **Music**
 May 26 - 28, 2014 hian Bilkhawthlir Hmar Veng Bial huapin N. Chawnpui Kohhranah Khuangvuak Seminar neih a ni dawn a, training neihpui tur hian Pu Lalromawia, Music Instructor a kal ang.
- **Kohhran Hmeichhia**
 - ♦ May 23 - 25, 2014 hian Kawrtethawveng Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Dr. Vanlalhruii, Asst. Secretary; Pi Rosangpuii leh Pi C. Romawii (Committee Members) te an kal ang.
 - ♦ May 23 - 25 hian Keitum Kohhranah Tunlai Khawvela Nu Mawhphurhna Seminar neih a ni dawn a, hemi neihpui tur hian Central Kohhran Hmeichhe hruaitu Pi Lalnlanmawii, Ex-Chairman; Pi Zothanpari leh Pi Maria Lalchhanhimi (Committee Members) te an kal ang.
 - ♦ May 23 - 25, 2014 hian Bungtlang Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Ramngaihsangi, Pi K. Vanlallawmi leh Pi C. Chawngpuii (Committee Members) te an kal ang.
- **Kristian Thalai Pawl**
 - ♦ May 24, 2014 (Inrinni) hian Aibawk Bial Leadership Training neihpuiin Pu Samuel Laldingliana (Asst. Leader) leh Tv. Joseph Lalsangzuala (Com. member) te an kal ang.
 - ♦ May 27, 2014 (Thawhlejni) chawhnu dar 2:00 hian CKTP Committee chu Synod Committee Room No. 2-ah an thukhawm ang.
 - ♦ May 30 - 31, 2014 hian Synod Conference Centre-ah Central KTP hruaitu ten riak lutin Orientation cum Retreat programme an hmang ang.
 - ♦ Mizoram Synod Choir chuan May 25, 2014 (Pathianni) zan hian Maubawk West Kohhranah hun an hmang ang.
- **Hruaina Eng FM Radio & TV Programme**
 - ♦ **MAY 23 (FM Zoawi Aizawl @ 7:30 p.m.) :**
Solo : Lalremruata - A nung, **Choir** : Mission Veng Pastor Bial Zaipawl - Aw Khawiah Nge Chhandamtu, **Thuchah** : Upa K.Vanlalngaha - Tleirawlte mizia leh enkawl dan, **Solo** : Rintea - Thupek Ropui, **Choir** : Mizoram Synod Choir - Pathian angchhungah
 - ♦ **MAY 23 (FM Lunglei @ 7:30 p.m.) :**
Solo : Lalremruata - A nung, **Synod News**, **Choir** : Mission Veng Pastor Bial Zaipawl - Aw Khawiah Nge Chhandamtu, **Thuchah** : Upa K.Vanlalngaha - Tleirawlte mizia leh enkawl dan, **Solo** : Rintea - Thupek Ropui, **Choir** : Mizoram Synod Choir - Pathian angchhungah
 - ♦ **MAY 25 (TV Programme @ 3:00 p.m.) :**
Zaipawl : Mizoram Synod Choir - Wylwn, **Playback** : Ramhlun East Biak In hawna, **Solo** : Henry Varte - I hming hlu hi, **Musical Drama** : Kulikawn Branch KTP
- **Susamachar Prasaran Programme**
MAY 25 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Durtlang Masihi Sangati - Mukti, **Group/Choir/Solo** : Luangmual Vengthlang - Bondhu re for demand, **Sermon** : Lalramzauva-Apne Margong Ka Dhyana karo, **Group/Choir/Solo** : Jubilee Kohhran - Hijo Aja, **Group/Choir/Solo** : Champhai Bethel Pastor Bial - Hosenna
- **Synod Moderator Programme**
 Synod Moderator Rev. K. Lalhmuchhuaka chuan hetiang hian hun a hmang ang :
 May 25, 2014 (Pathianni) : Dawrpui Kohhran tlawh
 May 26, 2014 (Nilaini) : Manipur Area Committee

